



Norges
vassdrags- og
energidirektorat

Til alle på adresselista

Postboks 5091, Majorstuen
0301 OSLO

Telefon: 22 95 95 95
Telefaks: 22 95 90 00
E-post: nve@nve.no
Internett: www.nve.no

Vår dato: **08 FEB 2010**

Vår ref.: NVE 200800204-5 ki/kima

Arkiv: 312

Dykkar dato: 1.2.2010

Dykkar ref.:

Sakshandsamar:

Kirsten Marthinsen

22 95 92 34

Org.nr.:
NO 970 205 039 MVA
Bankkonto:
7694 05 08971

Gravdal Kraft SUS– Søknad om løyve til å byggje Gravdal kraftverk i Førde kommune, Sogn og Fjordane – høyring

NVE har motteke ein søknad frå Gravdal Kraft SUS, datert 1.2.2010, om løyve til å byggje Gravdal kraftverk i Førde kommune.

Søkar ønskjer å nytte vatn frå Tverrelva og elva i Ytre Gravdalsgjelet i Førde kommune i Sogn og Fjordane. Inntaket er planlagt på kote 250 og kraftstasjonen på kote 2. Elva i Ytre Gravdalsgjelet vil verte overført til Tverrelva med eit 900 meter langt overføringsrøyr, derfrå leggjast tilløpsrøyr på 1000 meter ned til kraftstasjonen. Eksisterande jordbruksveg må forlengast med 200 meter til stasjonen. I traseen for overføringsrøyr vil det bli bygd ein anleggsveg som seinare kan nyttast som tilkomst til inntaket. Installert effekt vil vere på 2,0 MW og produksjonen om lag 6,2 GWh årleg. Søkar har foreslått ei minstevassføring på 25 l/s heile året.

Det er òg søkt om løyve etter energilova for bygging og drift av Gravdal kraftverk med tilhøyrande koplingsanlegg og kraftline. Det er for tida ikkje ledig kapasitet på overliggjande nett.

Søknaden skal handsamast etter reglane i kap. 3 i vassressurslova og gjeld løyve etter vassressurslova § 8. Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringa ligg ved. Viss de ønskjer papirutgåve av søknaden, kan de kontakte Hermod Seim på tlf. 57 86 61 28 eller e-post: herseim@online.no.

NVE ber Førde kommune leggje to eksemplar av søknaden ut til offentleg ettersyn på Servicetorget og Førde bibliotek fram til **26.3.2010**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggingsstaden.

Vi syner elles til vedlagde informasjonsark som forklarar sakshandsaminga frå saka vert sendt på høyring til endeleg vedtak. Av dette går det fram kva for tilbakemelding vi ønskjer.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **26.3.2010**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Om fråsegna er lang, er det difor ein fordel om det utarbeidas eit samandrag som kan brukast til dette.

Med helsing


Øystein Grundt
seksjonssjef


Kirsten Marthinsen
avdelingsingeniør

Kopi: Gravdal Kraft SUS v/ Arne Gravdal, Postboks 202, 6801 FØRDE
Vedlegg : 3 (søknad etter adresseliste, kunngjering, informasjonsark om saksgangen)

Adresseliste for: Bygging av Gravdal kraftverk

Handsamast etter: Vassressurslova

Vert kunngjort av NVE ved CIA Media Marketing 1 gong i: Firda og Firdaposten

Tal på søknadar	Namn/adresse
5	Førde kommune, Postboks 338, 6802 FØRDE
	Fylkesmannen i Sogn og Fjordane, Njøsavegen 2, 6863 LEIKANGER
	Sogn og Fjordane fylkeskommune, Askedalen 2, 6863 LEIKANGER
	Statens vegvesen, Region vest, Askedalen 4, 6863 LEIKANGER
	Naturvernforbundet i Sogn og Fjordane, Postboks 470, 6853 SOGNDAL
	NJFF Sogn og Fjordane, Rygg, 6823 SANDANE
	Forum for natur og friluftsliv i Sogn og Fjordane, Postboks 365, 6902 FLORØ
	Sogn og Fjordane Turlag, Postboks 10, 6801 FØRDE
	Norsk Ornitologisk Forening, Sandgata 30 B, 7012 TRONDHEIM
	Sunnfjord Energi AS, Postboks 123, 6801 FØRDE
	Sogn og Fjordane Energi AS, Bukta, 6823 SANDANE
1	KM –Regionalt (ias)
1	KD (omø)
1	ER (shs)

- KUNNGJERING -

Gravdal Kraft SUS – Søknad om løyve til Gravdal kraftverk i Tverrelva i Førde kommune

NVE har motteke ein søknad frå Gravdal Kraft SUS om løyve til Gravdal kraftverk i Førde kommune.

Søkar ønskjer å nytte vatn frå Tverrelva og elva i Ytre Gravdalsgjelet i Førde kommune i Sogn og Fjordane. Inntaket er planlagd på kote 250 og kraftstasjonen på kote 2. Elva i Ytre Gravdalsgjelet vil verta overført til Tverrelva med eit 900 meter langt overføringsrøyr, derfrå leggjast tilløpsrøyr på 1000 meter ned til kraftstasjonen. Eksisterande jordbruksveg må forlengast med 200 meter til stasjonen. I traseen for overføringsrøyrret vil det bli bygd ein anleggsveg som kan nyttast som tilkomst til inntaket. Installert effekt vil vere på 2,0 MW og produksjonen om lag 6,23 GWh årleg. Søklar har foreslått ei minstevassføring på 25 l/s heile året.

Søknaden vert handsama av NVE etter reglane i kap. 3 i vassressurslova, og gjeld løyve etter § 8 i same lov. Søknaden med vedlegg er lagt ut til offentleg ettersyn på Førde bibliotek og Servicetorget, og på NVE sine nettsider www.nve.no/konsesjonssaker fram til høyringsfristen går ut. Om du ønskjer papirutgåve av søknaden, ta kontakt med Hermod Seim på tlf.: 57 86 61 28 eller e-post: herseim@online.no.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **26.3.2010**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Dersom fråsegna er lang, er det difor ein fordel om det utarbeidast eit samandrag som kan nyttast til dette.



Orientering til høyringspartane

Generelt

NVE har heimel til å gje løyve i saker som gjeld utbygging av småkraftverk (inntil 10 MW), og andre vassdragstiltak. Løyve til større kraftutbyggingar blir gjeve av Kongen i statsråd.

Frå 1. januar 2010 har fylkeskommunen heimel til å gje løyve i saker som gjeld utbygging av kraftverk med installert effekt inntil 1 MW. Dette gjeld m.a. ikkje saker i verna vassdrag.

Denne orienteringa gjeld saker der NVE kan gje løyve etter § 8 i vassressurslova.

Handsaming av søknaden fram til endeleg avgjerd

NVE sender informasjon om høyringa til kommunar, fylkesmenn (FM), fylkeskommunar (FK), statlege forvaltingsorgan og interesseorganisasjonar som saka vedkjem. Høyringsperioden er minst 6 veker. Saka vert kunngjort i minst ei avis i distriktet og kommunen legg søknaden ut til offentliggjennomsyn, ev. utlån. Søknaden vert òg lagt ut på www.nve.no/konsesjonssaker med tilgang til å sende inn fråsegn elektronisk.

Søkjær får høve til å kommentere innkomne fråsegner før NVE gjennomfører synfaring i området.

I heilskapsvurderinga står NVE fritt til å vurdere om løyve bør gjevast og i kva omfang, jf. vassressurslova § 25. Søknaden og innkomne høyringsfråsegner er viktige grunnlag for NVE si vurdering.

Dersom NVE gjev løyve, kan det bli knytt vilkår til dette, jf. vassressurslova § 26. Vilkåra kan omfatte byggjefristar, vasslepping, naturforvaltning, fornminne og sanksjonar ved ev. brot på vilkåra.

NVE si avgjerd kan påklagast til Olje- og energidepartementet innan 3 veker frå det tidspunkt underretning er kome fram til parten.

Om det er søkt løyve etter energilova for elektriske anlegg i kraftverk/ høgspent overføringsanlegg, vil NVE gje naudsynt energikonsesjon samstundes med løyve til bygging av kraftverket. Dei fleste høgspantanlegg med linjer kan byggast innanfor lokal netteigar sin områdekonsesjon.

Kva vert forventa av høyringsinstansane?

Kommunen bør gje grunngejevne synspunkt på om planane bør gjennomførast, ev. val av alternativ. Vi ber kommunen informere om kjende allmenne interesser (t.d. landskap, friluftsliv, fisk og vilt) som tiltaket kan få følgjer for, og ev. andre tilhøve som kan få innverknad på gjennomføringa. NVE ønskjer forslag til vilkår eller avbøtande tiltak som kan redusere ev. skader ved gjennomføring av planane. NVE ventar at kommunen omtalar tilhøve til kommuneplanen og andre kommunale planar.

FM bør leggje vekt på tilhøva omkring miljø, medrekna fisk og biologisk mangfald, og vurdere tiltaket i høve til sektorlovgivinga.

FK bør leggje vekt på kulturminne og friluftsliv som er særlege ansvarsområde. Det skal gjerast greie for tiltaket sin status og mogeleg konfliktnivå i fylkesdelplan for småkraftverk, om det er utarbeidd ein slik plan.

Motsegn og klagerett

I ny plan- og bygningslov er tilhøvet mellom konsesjonshandsaming og handsaming av planar for energianlegg endra for å sikre ei meir effektiv sakshandsaming. Det er ikkje krav om reguleringsplan. For å ta hand om retten til å fremja motsegn som kommunar og statlege fagetatar har hatt til reguleringsplanar, er det teke inn reglar i energi- og vassdragslovgivinga om motsegn og klagerett. NVE understrekar at ei ev. motsegn må fremjast i høyringsperioden. NVE syner til våre nettsider for meir informasjon: www.nve.no/konsesjonssaker.